

Wasserratta

Ausschnitte aus dem Programm 2005

Dr Stadttrot Jäger / isch am hirna
runzlat sini / Denkerstirna
d'Carmennahütta / meint är muff
rentiera tuat dia / nu als Puff
Trulla Trulla
Drum engagiert är / ohni Scheu
als neua Wirt / dr Beat Breu

Am Obertor / schreit d'Politessa
he du Fräser / witt mi stressa
Nervastark / stoppt sy dä Waga
Will am Raser / an da Kraga
Trulla Trulla
Kei Mensch am Stüür / sy kunnt fasch z'spinna
as'hockt allei / as Poppi dinna

Kinder kriegä - im Fontana !
D'Auga flicka - sind's am plana.
Im Kanti tüant's - viil ummaschniida,
d'Mandla und au - d'Hämorida.
T r u l l a ,
In' s Krüz kasch go - nu no ga klöpfla,
wenn diar tuat - d'Prostata tröpfla !

As Händy hät hüt - jede Löli,
di einta bruchend's - nur für d'Wöhli.
Huara glatt isch's - wenn's vibriert,
kasch as g'nüssa - ungeniert.
T r u l l a ,
Und isch den z'Händy - ganz pflätsch-näss,
Denn isch as sicher - as MMS !

Khur hät wieder - as Implantat,
uf dr Quadra - isch z' lis parat.
Bim "Carlsbergbeizli" - kasch Würschtli kaufa,
Wenn'd warm wit ha - muasch Schlittschuuh-Laufa,
T r u l l a ,
Wenn's wärmer witt - zum wohlig stoh,
muasch uf d'Schiissi - zu da Schwuula go !

Liegestütza - d'Muskla spanna,
an da Gräät - kasch umahanga.
Hantla stemma - mächtig schwitza,
Zwüschadura - muasch au sitza !
T r u l l a ,
Ohni Gräät - dafür meh Sacha,
kasch offiziell - im Moonlight macha!

Rundella do - Rundella döt
as flüsst nit so - wia's richtig söt!
"Miar wend no meh!" - sägand üsri Röt,
dr Thomy meint: - "dia sind denn blöd" !
T r u l l a ,
"Zum ahstoh bruchsch - a Stündli meh,
muasch nu bim Coop - dr Kreisel neh !

As git kei Bier meh wenn d'fahrsch - seit Polizai
und wenn a Schnaps sufa wit - denn bliibsch dahei.
das isch so elend für üs - dä huara Dräck,
denn nu mit Wasser kriagsch dä koga Durscht nit wägg!

Jetz han i Stammtischverbot - vu minara Frau,
zum laufa isch miar das z'wiit, - das weiss sie au;
drum suf i jetz halt dahei - am runda Tisch,
doch do muasch sufa wia a Ochs bis g'müatlich isch !

Drum liabi Beizer vu Khur, - jetz losend zua,
wend ihar für üs - armi Männer - öppis tua,
miar sufan gära 10 Bier - an jedem Tag,
dafür händ ihar für üs a Sammelbus parat !

A Viertel Schnaps - a Tropfa Wy,
meh ligt eifach - nümma dri.
Sufsch a Ruusch - und bschtellsch z'viil Bier,
häsch grad Lämpa - mit dr Schmier !
T r u l l a ,
Üsra Rot - an d'Polizai:
Tüant doch ihar - dia Bsoffna hai !